



**JUDICIAL SYSTEM MONITORING PROGRAMME  
PROGRAMA DE MONITORIZAÇÃO DO SISTEMA JUDICIAL**

# **AMNESTY INTERNATIONAL-JSMP**

## **Konferensia Imprensa**

ASA 57/001/2011

Edisaun 17 Feveireiru 2011

Periode : Feveireiru 2011.

### **Timor-Leste: Parlamentu Nasional lakon oportunidade atu fornese justisa ba violasaun sira iha pasadu**

Amnesty International no Judicial System Monitoring Programme (JSMP) expresa sira nia deskontente no arependementu relasiona ho desizaun Parlamentu Nasional atu adia ka suspende debate konabá esbosu lei rua ne'ebé destinadu atu foka ba violasaun direitu umanus iha tempu pasadu.

Organizasaun rua ne'e hasoru malu ona ho membru Komisaun A Parleментu Nasional Timor Leste, ne'ebé hetan mandatu atu kobre kestaun justisa, atu diskute iha Segunda-Feira iha plenariu Parlamentu nian, ne'ebé adia fali atu debate esbosu rua ne'ebé atu estabelese reparasaun nasional no "Instituto Memorializasaun". Parlamentu halo vota iha dia 14 Feveireiru 2011, hatudu katak deputadu nain 20 vota afavor ba proposta ne'e, deputadu nain 9 kontra no 10 abstain. Iha Parlamentu Nasional Timor Leste iha kadeira total hamutuk 65.

Debate no pasa lei rua ne'e nu'udar pasu importante ida ba oin atu implementa rekomendasaun husi CAVR no CVA. Durante tinan barak sosiedade sivil no vítima sira iha Timor Leste ejije nafatin justisa no reparasaun ba vítima sira violasaun direitus umanus ne'ebé komete durante okupasaun Indonezia entre tinan 1975 no 1999. Adia mentu bebeik atu halo diskusaun ba esbosu lei rua ne'e, Parlamentu Nasional lakon oportunidade importante atu hakat ba oin atu hari'i justisa ba vítima violasaun direitus umanus iha Timor Leste.

Amnesty International no JSMP ejije Parleментu Nasional atu hapara adia debate no hahu adopta lei rua ne'ebé suspende bebeik ba tempu naruk ona, nune'e bele asegura komimentu atu hari'i justisa, reparasaun no lia-los ba vítima sira husi krimi pasadu nian.

Durante audensia ho deputadu sira, Amnesty International no JSMP foti preukupasaun konabá inkonsistensia entre Kódigu Penál TimorLeste no Estatuto Roma konabá Tribunal Kriminal Internasionál, ne'ebé Timor Leste ratifika ona desde tinan 2002 nia laran.

Iha Jullu 2010, Komisaun A, ne'ebé kaer mandatu atu kobre asuntos sira ne'ebé relasaun ho justisa, aprova tiha ona rekomendasaun ba establesimentu programa reparasaun nasional no Instituto ba Memorializasaun". Esbosu lei ne'ebé agenda tiha atu debate husi Parleментu iha Setembru 2010, maibe debate ne'e adia tiha to'o Feveireiru 2011.

Grupu Servisu Desaparesimentu ho Forsa no La'os ho Voluntáriu (GSDFV) ne'ebé vizita Timor Leste husi dia 5-14 Feveireiru 2011 subliña fila fali importansia husi implementasaun rekomendadaun ne'ebé mai husi CAVR no CTF. Grupu ne'e afirma katak sira hein ba oin atu hare estableimentu Institutu Memorializasaun sei fasilita implementasaun efetivu husi rekomendasau ne'ebé mai husi komisaun rua ne'e.

Relatoriu 2005 husi CAVR fo estimasaun katak ema liu husi 100,000 ne'ebé mak mate ka sofre hamlaha seriu to'o mate entre tinan 1974 no 1999 nu'udar rezultadu husi konflitu. Krimi kontra umanidade no violasaun sira seluk ne'ebé akontese makas tebes durante okupasaun Indonezia iha Timor Leste. Violasaun sira ne'e inklui omosidiu, halakon ema, detensaun ilegal, tortura no trataamentu aat, krimi funu; violasaun seksual, violasaun direitu labarik; violasaun ekonomia, sosial no violasaun ba direitu kultural sira seluk. Maioria husi kazu krimi todan sira iha pasadu ne'e seidauk hetan atensaun to'o agora.

Iha 2010, Amnesty Internasional hasae relatoriu ida konabá Tribunal Kriminal Internasional: Justisa iha lalatak laran (Index: ASA 57/001/2010).

Remata /

Dokumentu Públiku

\*\*\*\*\*